

Хикматлар - ҳақиқатга етаклар



07:00 / 09.01.2019 2941

Абу Бакр розияллоху анху дейдилар:

Табассум – ишонч калити, ҳадяниңг чироғи.

Инсоннинг сўзи ақлининг баёни, фазилатининг таржимонидир.

Инсоннинг фазилати унинг тўғрилигидан билинади.

Кенгашда тўғри гапир, фикрлар тўғри бўлсин.

Дўстингга дўст ва ҳаммага бир хил муносабатда бўлгин.

Халққа яхшилик қилиш балою офатлардан сақланишга кафолатдир.

Нима деганингга ва қачон гапирганингга эътиборли бўл!

Ёмон қўшни сирингни ёяди, махфий пардаларни очади.

Мазлумнинг дуоибадидан албатта қўрқинг.

Ишонч – омонат, мунофиқлик – хиёнат.

Ҳақни таниганларга тобеъ бўл.

Зулм, аҳдга вафо қилмаслик ва ҳийла кимнинг феълида учраса, нима қилса қилсин, зиёни ўзига тегади.

Омонатни асраш энг гўзал тўғрилиқдир. Ёлғон – хиёнатнинг бошланиши.

Чин дунёга бормай туриб, яхши нарсалар ҳозирлангки, борганингизда қаршингиздан чиқсин.

Умрини фойдасиз, беҳуда ишларга сарфлаган далага уруғ қадаш вақтини ўтказиб, ҳосил йиғиш пайтида пушаймон қилаётган дехқонга ўхшайди.

Ҳаромни тарк этиш ҳалол исташдан кўра яхшироқдир.

Аллоҳдан афв ва оғият сўранг. Чунки мўминга иймондан кейин афв ва оғиятдан яхшироқ нарса берилмагандир.